

乙未年十一月編印  
丙辰年潤八月重印  
壬申年元月再版

# 廣成仙師信語

大埔汀角道19號  
省躬草堂敬送  
電話：六六七一七八四

敬誦信語則例

一凡初習時。須要先念。『學。誦。信。語。諸。神。勿。聽。』

一凡誦信語。須先心誠體潔。當天叩拜。專心致敬。勿起別念。勿作兒戲。然後跪誦。誦信語時。須視作仙神如在。即旁人亦不宜嬉笑坐卧。方表真誠。否則恐不靈應。

一或出外行船在舟車中遇險等事。則心

誠默誦。不拘禮節。亦聽其便。其應驗不可思議。

一 婦女有孕。及適月信。或身體不潔者。不宜誦念。

一 善男信女無事祈求。身體康健。倘時常虔誠持誦。亦有吉神擁護。

一 遇有疑難事祈求者。當天跪誦信語三遍。以杯卜三次。得兩勝杯者。即是有仙神已降在位。然後將所求禱之事

。或口稟祈禱。或寫稟焚化。再以下  
而決事。如問在位否。倘無二勝。則  
仍繼續再誦三遍復問。餘皆倣此。務  
須得有兩勝。方可卜決事情。始有效  
驗。但不可求方問藥。以資慎重。

廣成仙師信語

開天闢地

渺渺冥冥

肉身承道果

位列在天庭

崆峒昔修鍊

怎似我心誠

長生之正術

無勞形

無搖精

無使思慮縈縈

大羅今幸列

紅黑籍常經

善惡非無報

人心巧至靈

人生忠孝大

仁義禮爲應

奉此能勿失

善氣喜盈盈

疫癘不能遇

風波是安寧

虎龍曾降伏

神鬼也皆驚

魑魅兼魍魎

怎敵正氣清

男女誠心誦

一一達通明

諭令時日功曹聽

舉凡有念報知聞

信語須謹記

神衆懍遵行

(附載) 至道論 (選錄) 莊子

按此文由莊子『南華經』(在宥篇)選錄一章。筆者謬擬『至道論』三字為題。自黃帝問道之後。領悟有得。獨具卓見。後世老子承黃帝餘緒。著『道德經』。集道家之大成。世稱黃老之學。溯其源流。則黃帝悟道。得力於廣祖師。莊子原文。可以引証。謹說明如次。

黃帝立為天子十九年。令行天下。聞廣成子在於空同之上。故往見之。曰。我聞吾子達於至道。敢問至道之精。吾欲取天下之精。以佐五穀。以養民人。吾又欲官陰陽。以遂群生。為之奈何。廣成子曰。而所欲所問者。物之質也。

(1) 而所欲官者。物之殘也。自而治天下。雲氣不待族而雨。草木不待黃而落。

(2) 日月之光。益以荒矣。

(3) 而佞人之心翦翦者。

(4) 又奚足以語至道。黃帝退捐天下。築特室。

席白茅。閒居三月。復往邀之。廣成子南首而卧。黃帝順下風。膝行而進。再拜稽首而問。曰。聞吾子達於至道。敢問治身。

(5) 奈何而可以長久。廣成子蹶然而起。曰。善哉問乎。來。吾語女至道。(女即汝，下同



）至道之精。窈窈冥冥。至道之極。昏昏默  
默。無視無聽。抱神以靜。形將自正。必靜  
必清。無勞女形。無搖女精。乃可以長生。  
目無所見。耳無所聞。心無所知。女神將守  
形。形乃長生。慎女內。閉女外。多知爲敗  
。我爲女遂。

(6)

於大明之上矣。至彼至陽之原也。爲女入於  
窈冥之門矣。至彼至陰之原也。天地有官。  
陰陽有藏。慎守女身。物將自壯。我守其一  
。以處其和。故我修身千二百歲矣。吾形未

嘗衰。黃帝再拜稽首曰。廣成子之謂天矣。  
廣成子曰。來。余語女。彼其物無窮。而人  
皆以爲終。彼其物無測。而人皆以爲極。得  
吾道者。上爲皇而下爲王。  
失吾道者。上見光而下爲土。

( 8 ) 今夫百昌。

( 9 ) 皆生於土反於土。故余將去女。入無窮之門。  
。以遊無極之野。吾與日月參光。吾與天地  
爲常。當我緡乎。遠我昏乎。

( 10 ) 人其盡死。而我獨存乎。

- (1) 質、謂完整質朴。殘、謂朴散變殘。
- (2) 落、死也。
- (3) 荒、謂無色而暗。
- (4) 翦翦謂善辯。
- (5) 治身即儒家所謂。一是皆以修身為本。
- (6) 遂、進也。
- (7) 皇、行無為之道。王、行有為之道。
- (8) 不見光。不見土。可解作四大皆空。
- (9) 百昌、即百物。
- (10) 縕、昏、皆無心之謂。心不凝滯於物。佛氏之『了死生』近之。道家謂之『長生』。

- (一) 廣成祖師新年初降 正月(日期屆時公佈)
- (二) 啓靈堂春祭 二月初二日
- (三) 呂帝寶誕 四月十四日
- (四) 關帝寶誕 五月十三日
- (五) 廣成祖師寶誕 六月初六日
- (六) 朱神寶誕 六月十七日
- (七) 啓靈堂秋祭 八月初二日
- (八) 燃燈古佛寶誕 八月十六日
- (九) 廣成祖師承道紀念 十月初五日
- (十) 三清殿衆祖師陞座紀念 十一月初一日
- (十一) 鎮壇神誕 十二月十八日
- (十二) 天恩酬答 十二月(日期屆時公佈)

如逢潤月，潤誕照期朝賀

非賣品

省躬草堂敬送